



Ministarstvo dijaspore

Br: 04/2-1-910/25-526/1

23. april 2025. godine

Za: Arhiva Generalnog sekretarijata Vlade, Vlada Crne Gore

Predmet: Izvještaj studijske posjete ministra dijaspore Mirsada Azemovića Gruziji, 14-18. aprila 2025. godine

Destinacija: Tbilisi i Kutaisi, Gruzija

Delegaciju predvodio: ministar dijaspore Mirsad Azemović

Članovi delegacije:

- 1) Jasmin Lukačević, v.d. sekretara u Ministarstvu dijaspore
- 2) Fadil Zejnelagić, v.d. generalnog direktora Direktorata za međunarodnu saradnju i IPA projekte u Ministarstvu dijaspore
- 3) Ajla Dervišević, načelnica u Direkciji za saradnju sa dijasporom u regionu i Evropi u Ministarstvu dijaspore
- 4) Besa Nikč, saradnica u Ministarstvu dijaspore

Delegacija Ministarstva dijaspore, predvođena ministrom Mirsadom Azemovićem, u periodu od 14. do 18. aprila 2025. godine boravila je u studijskoj posjeti Gruziji, u organizaciji Agencije Ujedinjenih nacija za migracije (IOM), a s ciljem jačanja kapaciteta crnogorskih institucija u okviru implementiranja projekta „Angažovanje dijaspore za održivi razvoj Crne Gore – faza II“.

Održani su sastanci sa predstavnicima IOM-a sa nacionalnog nivoa u Tbilisiju, koji su omogućili uvid u pregled gruzijskog institucionalnog, zakonodavnog okvira, biznis saradnje sa dijasporom i drugih uspješnih praksi koje Gruzija sprovodi na ovom planu. Gruzijaska delegacija je uključila predstavnike ključnih resora zaduženih za pitanja dijaspore, kao i predstavnike IOM-a, koji su doprinijeli razvoju uspješnih programa za jačanje saradnje sa gruzijskom dijasporom. Osim toga, realizovana je posjeta opštini Kutaisi, gdje je delegacija imala priliku da se upozna sa uspješnim praksama angažovanja dijaspore na lokalnom nivou.

U sklopu ove studijske posjete, ministar Azemović sastao se sa ministarkom vanjskih poslova Gruzije, Makom Botchorishvili. Na sastanku se razgovaralo o brojnim temama koje se odnose na izazove prilikom unapređenja saradnje sa dijasporom kao i potencijalnoj saradnji između Gruzije i Crne Gore. Ministar Azemović je istakao da je dijaspora značajan faktor u sveukupnom društveno-ekonomskom napretku Crne Gore, te da njeno aktivno uključivanje u procese od značaja za matičnu zemlju ima višestruke koristi, kako u pogledu investicija i prenosa znanja, tako i u jačanju međunarodnih veza i promociji kulturnog identiteta. Riječi je bilo i o mogućnostima razvijanja i jačanja potencijalnih investicionih odnosa, koji bi doprinosili obostranom napretku. Na sastanku su bili prisutni i zamjenik ministarke vanjskih poslova Gruzije, Vladimir Konstantinidi i direktor Direkcije za odnose sa dijasporom u Ministarstvu vanjskih poslova Gruzije, Mukhran Gulaghashvili.

Dodatno, ministar Azemović sastao se i sa predsjednikom Odbora za dijasporu i pitanja Kavkaza u Skupštini Gruzije, Irakli Zarkuom. Na sastanku je bilo riječi o bilateralnim odnosima Crne Gore i Gruzije, pri čemu su obje strane razgovarale o izgledima buduće saradnje u različitim sektorima. Na sastanku su takođe bili prisutni i prvi zamjenik predsjednika Odbora, Givi Chichinadze, član odbora Nodar Turdzeladze, zamjenik ministra vanjskih poslova Vladimir Konstantinidi, direktor Direkcije za odnose s dijasporom Ministarstva vanjskih poslova, Mukhran Gulaghashvili i savjetnik Premijera za dijasporu i kulturna pitanja, Beka Odisharia.

Predmetna studijska posjeta omogućila je rukovodnom kadru Ministarstva dijaspore uvid u uspješne prakse Gruzije u oblasti angažovanja dijaspore, s posebnim fokusom na saradnju u oblasti biznisa, usklađivanje pravnih okvira i institucionalnu koordinaciju. Tokom posjete, identifikovane su konkretne ideje i potencijalne strategije koje se mogu prilagoditi crnogorskom kontekstu u cilju jačanja saradnje sa dijasporom.

ZAKLJUČAK:

Vlada Crne Gore je na sjednici održanoj _____ 2025.godine razmotrila i utvrdila **Izvještaj studijske posjete ministra dijaspore Mirsada Azemovića Gruziji, 14-18. aprila 2025. godine.**

Delegaciju Ministarstva dijaspore činili su:

- **Mirsad Azemović**, ministar;
- **Jasmin Lukačević**, v.d. sekretara;
- **Fadil Zejnelagić**, v.d. generalnog direktora Direktorata za međunarodnu saradnju i IPA projekte;
- **Ajla Dervišević**, načelnica u Direkciji za saradnju sa dijasporom u Regionu i Evropi;
- **Besa Nikč**, saradnica.

Troškove studijske posjete snosio je organizator IOM Montenegro.